

EKONOMI

SP Group menang tender projek pendinginan daerah di Thailand



TENAGA BIJAK: SP Group dan Banpu Next berkata projek itu akan membantu pusat kompleks pemerintah di Bangkok menjimat sekitar \$1.6 juta dalam kos elektrik setiap tahun. – Foto SP GROUP

Satu usaha sama antara syarikat elektrik dan gas milik negara, SP Group, dengan syarikat penyedia penyelesaian tenaga bijak Thailand, Banpu Next, telah memenangi satu tender untuk mereka bentuk, membina, memiliki dan mengendalikan sebuah sistem pendinginan daerah di Bangkok.

Projek di Pusat Kompleks Kerajaan Zone C di bandar itu menandakan projek pendinginan daerah pertama oleh SP Group di Thailand. Ia akan siap pada tahun depan, lapor *The Business Times*.

Sistem pendinginan daerah itu akan mengendalikan kapasiti pendinginan sehingga 14,000 tan bagi pusat kompleks itu yang mempunyai keluasan lantai kasar (GFA) 660,000 meter persegi.

SP Group dan Banpu Next pada Isnin berkata projek itu akan membolehkan pusat kompleks berkenaan menjimatkan sekitar \$1.6 juta dalam kos elektrik setahun.

Ia juga akan membantu pusat kompleks itu menjimatkan tenaga sebanyak 20 peratus dan mengurangkan pengeluaran sehingga 3,000 tan, setiap tahun.

“Ini sama dengan meniadakan sekitar 20,000 kereta enjin pembakaran dalaman (ICE) daripada jalan raya secara terkumpul sepanjang tempoh kontrak sela-

ma 20 tahun,” kata kedua-dua syarikat itu.

Tender tersebut diberikan oleh Dhanarak Asset Development, sebuah anak syarikat milik penuh Kementerian Keuangan Thailand.

Kedua-dua syarikat itu menambah usaha sama mereka akan menyediakan air dingin yang cekap tenaga dan mampu dihasilkan kepada rangkaian bangunan dalam komplek tersebut menerusi sistem pendinginan itu, dan memasang sebuah stesen pengecas kenderaan elektrik (EV) di fasiliti itu.

SP Group dan Banpu Next akan juga menyokong usaha sama mereka dalam meneroka potensi menggunakan pelbagai huraian mampam tambahan termasuk bas elektrik, sistem kuasa suria, dan sistem simpanan tenaga.

Ketua eksekutif SP Group, Encik Stanley Huang, berkata memenangi tender itu merupakan kejayaan pertama oleh pengendali grid nasional itu dalam pasaran pendinginan daerah Thailand.

“Kami berada dalam kedudukan baik untuk mengembangkan rangkaian kami dan membolehkan penggunaan pendinginan mampam secara pantas di seluruh rantau ini termasuk Thailand, Vietnam dan Indonesia,” katanya.

BEKALAN DIJANGKA PULIH: Harga beras dijangka stabil tidak lama lagi, ekoran bekalan beras yang dijangka meningkat. – Foto ST